

31. 12. 2019

0203-6827

Sarajevo,
Broj:

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 48. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donosi :

ODLUKU

o pokretanju postupka javne nabavke za izbor najpovoljnijeg ponuđača

I

Ovom odlukom odobrava se pokretanje postupka javne nabavke za izbor najpovoljnijeg ponuđača za **nabavku endoskopske kamere za potrebe Klinike za dječiju hirurgiju**. Predmetna nabavka provest će se putem postupka javne nabavke po konkurentskom zahtjevu uz primjenu e-aukcije. Objava obavještenja o nabavci i tenderske dokumentacije će se izvršiti na portalu Agencije za javne nabavke.

II

U skladu sa procijenjenom vrijednosti za realizaciju nabavke iz člana I. ove odluke odobravaju se finansijska sredstva u iznosu od 33.000,00 KM bez uračunatog PDV-a. Nabavka je planirana Planom javnih nabavki za 2019. god. pod klasifikacijom robe redni broj 19. (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19).

Uslovi plaćanja predviđeni za postupak nabavke su plaćanje u roku 60 dana od dana isporuke i ispostavljanja računa (na osnovu dopisa Sektora za računovodstvo, plan i analizu br. 11-02-64703/19).

III

Realizaciju nabavke iz člana I. ove odluke provest će Tehnički sektor putem Komisije za provođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a. Kriterij za dodjelu ugovora je naniža cijena.

V

Odluka stupa na snagu danom donošenja

OBRAZLOŽENJE

Za potrebe Klinike za dječiju hirurgiju, a na osnovu Plana javnih nabavki KCUS-a za 2019. godinu (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19) Tehnički sektor se Generalnoj direktorici obratio zahtjevom za saglasnost radi pokretanja postupka javne nabavke. Predmet postupka je nabavka endoskopske kamere za potrebe Klinike za dječiju hirurgiju.

Obzirom da su sredstva obezbjeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama i usvojenim općim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donosi se odluka kao u dispozitivu.

v.d. RUKOVODILAC TEHNIČKOG SEKTORA

Je Kadrić Muhamed, dipl. inž. građ.



GENERALNA DIREKTORICA
Prof. dr. Selma Izetbegović

Handwritten signature and date at the bottom left corner.